

**فتحي فرج**

# **أخت القمر**

**شعر**

**الطبعة الأولى – يونيو 2021**

## بطاقة الكتاب

أخت القمر	عنوان المؤلف
فتحي فرج	المؤلف
شعر	التصنيف
11953 - 2021	رقم الإيداع القانوني
978-977-999-006-4	الترقيم الدولي
760 الطبعة الأولى يونيه 2021	رقم الإصدار الداخلي
100 صفحة	عدد الصفحات
مؤسسة النيل والفرات	تصميم الغلاف

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

**مؤسسة النيل والفرات للطبع والنشر والتوزيع**

**ثورة مصرية تشرق إبداعاً على الوطن العربي**

رئيس مجلس الإدارة

**ناجي عبد المنعم**



مؤسسة  
**النيل والفرات**  
للطبع والنشر والتوزيع  
أسسها الناقد ناجي عبد المنعم  
حزيران 2017

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572  
 عضو عامل باتحاد الناشرين المصريين رقم 941 لسنة 2018  
 هاتف: 01011256943 - 01116202218 - 01202541192 - فاكس: 020554372901  
 النيل والفرات [nagyegy200064@gmail.com](mailto:nagyegy200064@gmail.com)  
[alnilwaalfourat](https://www.facebook.com/alnilwaalfourat) [alnilwaalfourat@gmail.com](https://www.facebook.com/alnilwaalfourat)  
 (المقر الرئيسي: ج.م.ع. محافظة الشرقية - الكائين من رمضان - مجاورة 13 - أمام سنتر الـ 13 - قمار 304)

## الإهداء

إِكْمَنُكَ إِنَّتِ أخت القمر  
واخذه الحصانه من القمر  
ده مفيش نجوم فوق فى السما  
تبعد غرامها وتكتفى  
ولا حتى شمس بضئها  
تسمح لنورها يكون خفى  
يا جمال عينيها أخت القمر  
زينة النجوم بعد القمر

## فتحى فرج

# رؤى جديدة لقصيدة المشهد اليومي عند الشاعر

## فتحي فرج

رؤية نقدية بقلم الشاعر الناقد

### ناجى عبد المنعم

يمتلك الشاعر عينا ثاقبه وناقلة للمشهد اليومي بكل دقة وتفصيل ، والمتأمل فى عناوين قصائده يراه متنقلا بين القضايا والإشكاليات العامة يلتقطها ويحللها ويلبسها ثوبا شعريا بديعا بأسلوب يسير لا يخلو من ( الطرفة ، والقفشه ، والتهكم ... ) فقدم ديوانه الذى بين أيدينا الآن ( أخت القمر ) على هذا النحو واعتمد فى بنائه الدرامى على مثلث ( الطرح – العرض – الاستنتاج ) وقد لجأ فى الكثير من قصائده إلى طريقة ( الفلاش باك ) ليقص الحدث بعد أن تلتقطه عيناه فيطرح الإشكالية كفكرة ثم يعرضها ثم يستنتج ما يُسفر عنه العرض بالتحليل الشعري المتناهى فى البساطة ، وهذه الطريقة يُشرك المتلقى العادى فى العملية الإبداعية بإعمال الفكر والتفاعل مع الأحداث ومشاركته الإستنتاجات المرجوه من العرض ، وهذه المدرسة قدمها من ذى قبل بيرم التونسي فى العديد من قصائده مثل ( هاتجن – النسوان .... الخ ) والتى لا تحيد أبدا عن السخرية والتهكم على الشئ فتخلق من التهكم أفكارها ونتائج مبهرة ويقول الشاعر فتحي فرج فى مستهل قصيدة الديوان :

" إكمنك إنـت أخت القمر

واخذه الحصانه من القمر

ده مفيش نجوم فوق فى السما

تبعد غرامها وتكتفى "

استهل إكتسابها صفة الشقيقة للقمر ( فلا بد أن تكون منيرة مثله وجميله أيضا مثله ) وقد

أكد على اكتسابها صفة الحصانة أيضا حتى لا تختل الموازين وترضى بأقل من هذا

وقدم العرض كاملا حتى بلغ قمة الإستنتاج فى النهاية ليشير أن أخت القمر هى نفسها مصر

وأعطاهما صفات الملكية بعد أن أورد كل النتائج المتاحة للمشهد فيقول فى ختام النص :

" نبع الحنان فى حسنها

دوب قلوب كل البشر

أصلك يا مصر فى رقتك

لا تقول لى ورد ولا قمر

يا جمال عينيها اخت القمر

زينة النجوم بعد القمر "

ومن هنا نرى أن الشاعر قد التزم بكل قواعد قصيدة المشهد اليومى ( طرحا وعرضا

واستنتاجا ) وقد أشرك المتلقى العادى فى العملية الإبداعية أيضا ليخرج فى النهاية بديوان

قيم وجدير بالقراءة .

\*\*\*\*\*

## عشرين عشرين

عشرين عشرين أهى عدت  
ومشارف ثلاثين بدأت  
افدينا كورونا انتشرت  
وابعدنا عن الشياطين  
نجينا من الأزمات  
وأعنا على الصلوات  
وارحم أحياء أموات  
واسترنا فى يوم الدين  
يارب عباد وبلاد

تفريطنا بحق ازداد  
وكأن العمر جواد  
على كر وفر سنين  
بنعد الشمس يوماتى  
وليالى قمرنا زواتى  
وياريت أحسب لمماتى

ده مفيش ع الأرض مكين  
لا مدارس ولا جامعات  
ولا تحيا المجتمعات  
فى البعد عن الصلوات  
وقلوب الناس جاحدين  
الفرحة تكون فى سلام

والحب يصون أيتام  
والعيد بيطول أيام  
وتغنى معاه مساكين  
عشرين عشرين أهى عدت  
ومساعى كوفيد اتمدت  
ولا نعرف كيف اتوجدت  
والوهم ملانا أنين  
ده العمر فى لحظة يولى  
ولا بابا نويل ولا خلى  
وف راس السنه بنصلى  
إحفظنا يارب آمين

## أخت القمر

إِكمَنكُ إِنْتِ أخت القمر  
واخذه الحصانه من القمر  
ده مفيش نجوم فوق فى السما  
تبعد غرامها وتكتفى  
ولا حتى شمس بضئها  
تسمح لنورها يكون خفى  
يا جمال عينيها أخت القمر  
زينة النجوم بعد القمر

ياما سهرت العشاق  
طول الليالى تبص لك  
أشواقها فوق متبعتره  
مش لاقيه مرسى على الفلك  
حنى علينا وقربى  
خلى قلوبنا ترق لك  
يا جمال عينيها أخت القمر  
زينة النجوم بعد القمر



الأرض لما اتخضرت  
غنى الطيور لجل الزهور  
والزهر ضحكته نورت  
وقلوبنا عشقانه العطور  
والنسمه هلت أثمرت  
حب وحنان جوه الصدور  
يا جمال عينيها اخت القمر  
زينة النجوم بعد القمر

زى الفراشه فى السما  
فوق الغصون متبسمة  
نبيع الحنان فى حسننها  
دوب قلوب كل البشر  
أصلك يا مصر فى رقتك  
لا تقول لى ورد ولا قمر  
يا جمال عينيها اخت القمر  
زينة النجوم بعد القمر

## شخايط لغراب

بتقول شخايط ؟!  
دى بداية الخيط  
دى معانى بتؤذى الأحباب  
وكلام كداب  
والخيط أهو داب  
مابقاش له لزوم  
فتح الأبواب  
ونتيجة السنه فى المره دى

ما قالتش نقوم فى نباح لكلام  
أنا نفسى نفكر فى حياتنا  
ونقضى اليوم برضا التواب  
قوم صلى ونام بقى وكفايه  
..... فكر الأغراب  
دولتنا اليوم ده بتتقدم  
بجهود لاحباب  
خليك مع وطنك واتناسى  
شخايط لغراب....

## حلم حیاتنا

حلم حیاتنا نحقق ذاتنا  
فلسفه فاضیه طول اوقاتنا  
یا ما دنیا کثیر شغلنا  
حتی نسینا کمان صلواتنا  
لیل ونهار الناس بتفکر  
إزای تبنی إزای تکبر  
فوق السد المانع واکتر  
لما قابلنا العین وصابتنا  
الواد میدو طلع کسّیب  
والواد کرکر بخته عصیب

جه إبلیس وعمل ألعیب  
إزای یحلم ده ف حتتنا  
ابن الخاییه عمل له کمین  
بعد السهره مع الشیاطین  
فکر یسرق علشان یکبر  
برضه الحلم ده مش طبیعتنا  
حلم حیاتنا نغلی ونکبر

نسعى لجنة ربنا أكثر  
مش لطريق النار والمخسر  
يعنى الحق ده مش سكتنا  
كيفك ياابن الخال والعم  
إنسى طريق الخوف والهم

لا الإرهاب ولا شرب السم  
بيخليك تحبط عزيمتنا  
إحنا اخواتك ورجال وطنك  
والإيمان بالله مش سببك  
يعنى الفضل برحمة ربك  
لجل رسول الله قدوتنا  
والأحلام فى حياتنا كبيره  
يمكن تمشى ف سكه خطيره  
أو فى طريق الخير تتمخطر  
أحلام وطنى وتعالى رايتنا

## أحلى يمامة

وانا قاعد فى الشمس شويه  
شاورت لى يمامه ف شرفتنا  
أنا رحت أسلم واتكلم  
لمحتنى أوام دخلت بيتنا  
وجريت وبسرعه استناها  
يمكن تتلعبك فى شبكنا  
أتاريها خرجت وبتضحك  
ندهت لى من فوق شباكنا

شغلتنى اليوم أحلى يمامه  
من حُسن الحظ الريح هبّت  
وف درفة شباكنا اتخبت  
أنا قلت خلاص هربت منى  
والنار دى ف قلبى إزاي شبت  
يارب احميها طيور شردت  
من أجل الحب المتسبت  
رفت بجناحها تطمنى  
وف قلبى ساعتها الروح دبت  
غلبتنى صحيح أحلى يمامه

ما قدرتش لحظه على فراقها  
دى حبيبتي وأنا قلبى حبيبها  
فى غيابها تخاصمنى آمالى  
وتتعتل عجلة أحلامى  
ولا فرح الدنيا بيحلالى  
ولا قصه بقلمى راح اكتبها  
وان طلت بعنيها الحلوه  
أشواقى تاخذنى على بابها  
فى جنينتى صحيح أحلى يمامه

## سحابه شتا

يلا عدى يا سحابه  
خلى نور الشمس يسطع  
لجل قوت كل الغلابه  
جى لما الفجر يطلع  
ما تحوشيش عنا الحياه  
فضل ربى كبير وأوسع  
ما تقوليش فضلك حماه  
حتى لو ساكنين فى غابه  
يلا عدى يا سحابه

\*\*\*

السحاب أنواع كتيره  
فيه سحاب مليون خطوره  
وفيه سحاب أبيض وصافى  
ترعى فى الوديان خرافى  
والمراصده قالوا بكره  
فيه سحاب بالرعد ممطر  
أو رياح تخلع تكسر  
فى الجبال بعد الجدابه  
يلا عدى يا سحابه

السحاب ع الفكر خيم  
والظلام فى البرد غيم  
يعنى كل الناس بتهرب  
جنب نار الفحم تقرب  
لجل نبع الخير يحوم  
عند قلب يكون رحيم  
والدفا يخليك متيم  
حن للأشواق دياهه  
يلا عدى يا سحابه

\*\*\*

يلا عدى يا سحابه  
لجل اغنى ع الربابه  
نفسى اقول موال واصهل  
وامحى من قلبى الصبابه  
لو سمحت ادبنى فرصه  
أبقى مصرى مش مجانسه  
والقى أرض بلادى طارحه  
والقى ضحكه مش كآبه  
يلا عدى يا سحابه



## دنيا الحب

### كتبولى عن الدنيا رساله

وقالولى بلاش تهرب منها  
وسبقت أنا ركب الخياله  
ووقعت ساعتها ف براثنها  
مين قال ان الحب خياله  
وانا ربى خلقتى على عيونها

الحب دا أصله ف وجدانى  
مش كلمه بسيطه وبتعدى  
والورد عبيره دا ربانى  
وجماله فى النفس يهدى  
والروح دى تملى ما نسيانى  
وف دنيا الحب تدوس خدى  
وتاخذنى ساعات للقمر ايه  
وف حر الشمس ولا بيدى  
الأرض السمره بتروينى  
وبساطها الأخضر ده مندى

والورد الأحمر يناديني  
وأطأوه مطرح ما يودي  
والورد الأبيض يسقيني  
من كأس الحب حرام صدى  
إزاي ده ف يوم بيقضيني  
وبناره شاغلني أنا وجدى  
والدنيا وناسها السهرانه  
من شهد الحب تقول بدى  
وف دنيا الحب الشوق جانا  
وقلوب عزالنا تقول سدى  
يا فروع الورد العطشانه  
من حب الحب احتار ودى

## بحر الهوى

أنا يوم ناديت للغرام  
الدنيا شغلت عيني  
ونزلت بحر الهوى  
طلعت لى بلطيه  
حسيت بطعم الأمل  
وحرام أكون ديه  
قالت لى واحنا سوا  
حانلاقى بنيه  
يجمع شمولنا الهوى  
بالحب والنيه

نسلم كمان م الأذى  
ومن بأس جنيه  
بحر الهوى غدار  
وقلوبنا فى الميه  
ربك أمر واختار  
أصل الغرام غيه  
تبني الحبايب دار  
لو كان لبلطيه  
والنيل حياتنا وعزنا  
والأرض مصريه

## العرق يمد

قالوا فى الأمثال العرق يمد  
وعرفت حقيقى انه مالوش حد  
وف كل الخلق العرق يمد  
لو كان إنسان أو فى الحيوان  
هايبان فى عينيه ألوان الورد  
أو شكل الوجه اللى مفتح  
والعود مجدول وده شئ مفرح  
صلوا ع الزين وكريم الجد  
الأصل بيرجع للخالق  
نعم الإحسان والعرق يمد

\*\*\*

لو طلعت شجره القمر ايه  
أو نزلت حتى ف سابع أرض  
هاتقول ده هجين  
دى سلاله ومن زينة البساتين  
أو بذره عفيه فى أحسن طين  
راح أقولك طبعا دى حقيقه  
والعرق يمد

\*\*\*

لو جيت للدنيا بنواحيها  
شوف طبع الخلق ولاد آدم  
إن قلنا هانفرز وندور  
خد أحسن ناس  
هتلاقى طباعهم معسوله  
وقلوبهم سد

\*\*\*

لو سمعوا الكلمه على هواهم  
يقولولك جد  
طب إنزل طبقه لناس ثانيه  
حاتشوف الصدق منورهم  
لو كان الهم ف ضمايرهم  
مش ممكن يظهر فى عيونهم  
لمحات الصد  
وفى قلوبهم على طول الود  
والعرق يمد

\*\*\*

خلينى معاك يا اسطى حماده  
دا الدنيا بتغدر وزياده  
بالنصب هاناكل أو نشرب  
معقول الكذب يكون عاده

والصدق ياناس قهوته ساده  
القلب المخلص بيسلم  
والقلب القاسى بيتكلم  
دى الدنيا مليانه كآبه  
والخير هايموت فينا ياساده  
وازاى راح تسكت يا حماده  
مفروض راح تفهم وبجد  
وطباع الناس مالهاش حد  
وف كل الخلق العرق يمد

## حببتك

حببتك والحب لرازه  
ولقيتك شربات فى إرازه  
قلت اجبر خاطر الأستاذه  
حسيتها ف طعمك بمرازه  
رحت ارجع قابلتني عينيكي  
أنا قلت خلاص ده مالوش عازه  
\* وحببتك \*

حببتك آه يابنت الحاره  
مربوطه ف قلبى بسناره

وانا خايف من ظلم الجاره  
تسحرنى عينيها الجباره  
واتكعبل فى حبالها القاسيه  
والاقينى مكتف فى شيكاره

\* وحببتك \*

حببتك والفكر انتشلق  
فى بحورك أنا قلبى هايعرق  
ويا خوفى أشوفه بيتزحلق  
على شط هواك بيستنشق  
وبيان لى فى حالة الإدمان  
وانا لما عرفت انه بيعشق  
\* حببتك \*

حببتك ياسماره ياحلوه  
وحروفك فى القلب دى غنوه  
من يوم ما طلعت إلى الدنيا  
وانا قلبى ما يعرفش فظاظه  
ولا بلبس عقد وحظاظه  
حببتك والحب لزازه  
حببتك .. حببتك



## واد يابن الإيه

إزيك ياد يابن الإيه  
قول لامك تعمل كوروشيه  
أو تعمل بيتزا بشانتيه  
أو توب أورجنزا وبلسيه  
ونروح للبت الننوسه  
بنت أختك كوكو تيكالويه  
ونجيب لها شنطه ولعاليب  
أو مطبخ أصلى ودواليب

كراسه وألوان وعروسه  
بتقول على بابا وسيباويه  
وبطاطس شيبسى إنما إيه  
إسمع لى ياواد يابن الإيه  
هى أمك جابت التموين  
وللا انت مخاوى الشياطين  
وبتشرب قهوه وتعميره  
وانسدت ودنك من طين

إزاي هاتحقق أحلامك  
وتشوف الفرحة فى أيامك  
آه ياخوفى لتفضل أو هامك  
وتخيب مع كل الخايين

إسمع لى حبيبى وخذ منى  
العمر ماتعرفش حدوده  
والخير بيزيد من موجوده  
طول م انت بتسجد وتلين  
واد ياابن الإيه



## الهوى غلاب

فى أمور كتيره بنشتكى  
م الدنيا واللهم الخفى  
والفضل جانا من السما  
سبحانه أهدانا النبى  
والأم فى مهد الصبا  
تفرح لخلفتها الصبى  
ولما يكبر طفلها  
تتمنى طبعه يكون صفى  
وان جالها بنت وشرفت  
يختار أبوها رجل عفى

يحمى البنيه من الأذى  
والحوجه والوهم الغبى  
وولادنا والناس والوطن  
وجهادنا برضه مش كفى  
ولا يوم هانكدب يا زمن  
ونقول ده دورهم مختفى  
يا اهل الهوى ليه حيرانين  
والدنيا ليكم تصطفى  
أصل الهوى غلاب قوى  
والحب هايصونه الوفى

## ز علوكه

ز علوكه فى جنبنة المانجه  
حلاوتها أطعم م الرنجه  
ملفوفه وعودها ع السنجه  
ولا مره هااقول انها عرجه  
مبروكه وف عنيتها البسمه  
حواليها العصافير مبتسمه  
أناديلها تلوى لى ف بوزها  
ولا مره تقول إنى علوزها  
سرحانه تملى ف أراجوزها  
والدنيا حواليتها سلام  
\* ز علوكه \*

راح يز عل ويخاصمك بابا  
هاحكيلها اما تجيلك ماما  
بقى يعنى عشان قلبى يحبك  
تغدرى وتصدى وانا جنبك

والاقيكى بتزومى علىّ  
واشوف إحساسك بعنيّ  
آه ياخوفى لأسيبك شارده  
ولا اقول لك حرده ولا ورده  
وأفوتك فى العهد السارده  
طول مانت مأفوره ياشهنده  
\* زعلوكه \*

## درب الوشا


أنا نفسي أحس بنعنشه  
ألقى الشباب عاشق الوطن  
تمحى ف قلوبها الغلوشه  
وطريق ياخذها إلى الوهن  
ونطير بعيد فوق السما  
ونعيش حياه متبسمه  
ونشوف قلوب متنعمه  
عائشه الحياه مش مرغمه  
ولا ناس تكون متدروشه  
بعيون ماتعرفش الخشا

وعقول كئيبه مشوشه  
وهموم تصيبنا فى الحشا  
وشباب كثير متروشه  
تكره تنام بعد العشا  
قال يعنى سهرانه ف عمل  
مالهاش تروح درب الوشا  
وطيور باشوفها مريشه  
وجميله حلوه مزرکشه

تسعى فى جنه معرشه  
ولا يوم ترقزق وشوشه  
فى الفجر تضحك للصباح  
وتنادى حى على الفلاح

ودى برضه أمه موحده  
ولا ترضى لولادها النواح  
وشعوبنا احنا مفككه  
فى الوهم ليه متلعبكه  
نايمين فى لجه مسبكه  
ونقول حياتنا دى مربكه  
عاشين بنلعب بالحصى  
وشبابنا يرقص بالعصا  
يعنى العصا والمهيصه  
فى حديث نبينا مخصصه  
الناس دى طلعت للقمر  
وشبابنا داب فى الهلوسه

معقول نعود عصر الحجر  
نلقى البطون متكرشه  
وصيت ولادى وأمهم  
بالأرض والجيش والعشا  
ولا غلوشه ولا دروشه  
تبعدنا عن درب الوشا





## مبروك سمسومه

مبروك سمسومه ف يوم عيدك  
نتمنى بحب نبوس إيدك  
ونجيك بالتورته نغنى  
والشمع ينور فى خدودك  
مبروك سمسومه

\*\*\*

على بحر هواك ف يوم بدرى  
النسمه خدتنى بمجدافى  
ولقيتك بالطرحه بتجرى  
فى جمال الورد المتعافى

وساعتها ضحكت لى الدنيا  
بوجودك كملت أهدافى  
ياسلام ع الفرحة اللى ف قلبى  
بتغنى للقلب الصافى  
مبروك سمسومه

\*\*\*

وف مارس تسعه وتسعين  
طليتى بحسبك وجمالك  
والفرحه بعطر الياسمين  
راح تضحك بالحب عيونك  
يا قمر بيحاكى الجدين  
اسم الله عليكى ف أوصافك  
فرحتنا ف عيدك فرحين  
والدنيا هاتفرح بنجاحك  
مبروك سمسومه

## سلطنة

سلطانه على عرش قلوبنا  
وطول عمرك ست الستات  
ياسلام ع القمر اما نشوفه  
وقلوبنا تتمنى حاجات  
أرواحنا بتقول له حاكينا  
أو يضحك لو بالنظرات  
معقوله هانقدر نستنى  
ونفوتك للعيد فى تبات  
آه م الأشواق السهرانه  
آه م الأحلام الحيرانه  
والشوق وغرام كل الدنيا  
تتملى ف حُسن السلطانه  
وخيالنا يبطلع للنجمه  
ويغنى للحب ساعات  
وقلوبنا بتضحك لصباحنا  
وأرواحنا ف نور الوجنات  
والأم ده صدرها ببساعى  
وحنانها نعيم الجنات

وعيونها بتسر وتراعى  
ماقاتلش بحب النزوات  
ياسلام ع الخير المتربع  
كما نطقت فيها الآيات  
وطريقنا وخطوات أولادنا  
بنشاهده ف حب السلطانة  
سلطانة يامصر أم الدنيا  
لو مرت فيك الأزمات

## لو ها اتجراً

لو ها اتجراً أرفض حبك  
ها القى شعور بيخالف ظنى  
أنا مش فاهم قبل اليوم ده  
كنت اتمنى قربك منى  
لكن أنا أصبحت اليأس  
نفسى لابسها طباع الجنى  
حيرتيني وتوهتيني  
حتى ولو إحساس بيلومنى

لو ها اتجراً أرفض خصومك  
أشطب حرف رسمته بقلمى  
أنسى يكون الذوق فى كلامى  
وانسى كمان واجباتى لعلمى  
فجأة سمعت صراخ جوايا  
صرخه بتظهر خوفى وندمى  
يومها غرقت ف بحر آلامى  
أبكى على الأحلام الضايعة  
كانت طول العمر ف طوعى  
والأيام دى ليه مش طايعة

بعد غرامى و حرق شموعى  
رافضه تشوف جدران الضايعة  
لو ها اتجراً أسافر بره  
أنسى غرامك كده بالمره  
ماتلومينيش على لحظة غضبى  
ولا تمسكى فى حبال الجره  
وجهة نظرك فيها مضره  
لو دكتوراه ف علم الذره  
وعشان قلبى رسم لك صوراه  
أغلى من اليواقيت والدره  
أبدا أبدا لو ها اتجراً  
ماقدرش أبعد يوم على غره

لو ها اتجراً أدوس ع الجمر  
وانسى حنانك طول العمر  
ها القى الدنيا كمان بتفوتنى  
أرجع تانى لأسوأ أمر  
وده من قبلك كانت روحى

تايهه ف كون مليان بالغدر  
وانا مش دارى باللى جرا لى  
عائش بين أخدود الهجر  
كل عيون تقابلنى تقول لى  
شكلك ناسى حبيبتك مصر  
قلت إزاي هاتجراً وانسى  
مية نيلها دى فضل وبر

ومش ها اتجراً وابدى الشر  
ولا راح أجامل ناس بتضر  
أصل غرام القلب النابض  
عمره مايصبح أبدا جاحد  
وانت حبيبتى وأغلى ما عندى  
أنا من حبك صرت العابد  
وف سراديب الحب شواهد  
على أو هام بتصيب الشارد  
أو مظلوم بيعانى م الغربه  
كان بيفكر إنه يساند  
وإزاي أحرم منك نفسى  
بعد ما شوفتك نعم المرفأ  
مش ها اتجراً لو ها اتجراً

## أرض المومياوات

أرضنا حنت ورننت  
عن وجود المومياوات  
والأصول مغروسه فينا  
من خلاياهم جينات  
والجينات والعلم نعمه  
وضحت فينا الصفات  
والسياحه فى بلدنا  
أصلها من عهد فات  
علمتها مصر لنا  
ولشعوب الدنياوات

طلت الفرحة لولادنا  
والحياه رقت ساعات  
من بديع الله نولنا  
صرحت كل الآيات  
تحيا مصر الأم دايمًا  
عمرها بنت الزوات





## سيناء الحبيبة

أحلى كلام راح يكثر ضله  
لما شبابنا بيزرع فله  
فى تراب سينا الغاليه علينا  
والزيتون راح يطلع كله  
ياابن بلدنا اتشمر واجرى  
قبل الفجر ما يطلع قول له  
أنا من سينا وهى حبيبتى  
وعمر القلب ما يكره خله

سينا ياغاليه وأحلام بلدى  
صورتك دائما فى عيون ولدى  
والقرآن وباسمك ذكرك  
طور سيناء زيتونك نبقك  
والأنبيا شرفوا على أرضك  
حتى رسولنا وجبريل دخلك  
كلم ربه ف أرضك موسى  
وانت ياسينا حبي الأبدى

ياابن بلدنا اشمر واجرى  
قبل الفجر ما يطلع قول له  
أنا من سينا وهى حبيبتي  
وعمر القلب ما يكره خله

طابا حبيبتك واليوم عيدها  
وفرحة سينا كمان بولادها  
الخيرات بتبان فى عينيها  
ودم الشهدا كمان يسعدها  
غنى طيور النورس ليها  
قبل ما نسجد ونبوس ايدها  
ياابن بلدنا اشمر واجرى  
قبل الفجر ما يطلع قول له  
أنا من سينا وهى حبيبتي  
وعمر القلب ما يكره خله

## شكة غرام

شك الغرام قلبى وننى  
خدنى لهواك وجننى  
يا حبيبتى يا مشاغلة عيونى  
خبيني من سحر عيونك  
أصل الغرام بان فى جفونك  
والدنيا راحت وفاتتنى  
من بعد شوقى لجمالك  
قلبى ف هواكى مشتتتى

إن طلت النسمة خدتنى  
وبعيد بعيد فوق ودتنى  
على بال ما فوق يتعب حالى  
وطريق غرامك سكتتى  
أتارينى بين شكة غرام  
قلبى الجنين ده فى كفك  
وأنا برضه طول عمرى ف وصفك  
يا سلام لو الحب نادانى  
ها القانى هايم على كتفك

لو غابت الشمس ف لحظه  
هاتبان لى قمر ايه ف حسنك  
طب أعمل إيه بس قولى لى

وانا من غرامك باشتاق لك  
على بال ما فوق يتعب حالى  
وطريق غرامك سكتنى  
وقالو لى دى .. شكة غرام  
فى العيد بنفرح ونغنى  
وطيور بترقص على فنى  
مش قادر أهرب من قلبك  
إكمنى رقت أوصالى  
وانا لو قالولى ابعدها  
تئذينى فرحة عزالى  
والدنيا بتعذب فيا  
لو بالغرام فيكى رمتنى  
على بال ما فوق يتعب حالى  
وطريق غرامك سكتنى  
أتاريها إيه .. شكة غرام

## وكر الغول

معقوله طبق الفول  
خلانا نعيش فى زهول  
شطار فى الهيصه والزفه  
ونقول ونعيب فى أصول  
فين هوّ العربى المسلم  
والجخ على المحمول  
والأ احنا هوانا نطبل  
ونعيش فى اسطبل عجول

ونمصص كبد الحسره  
ودماء الشهدا يزول  
ورينا ياخويا الهمه  
واطلع على وكر الغول  
طوّح من راسك العمه  
يمكن فى الزحمه تقول  
اتجرأ واحرس بلدك

وكفايه تعيش معزول  
فى الشارع مرا حربايه  
دايما فى خناق على طول  
أحلامها تملئ مشاكل  
وكان عليقها الفول

فى الكر وفر يوماتى  
لو راحت لاسطنبول  
وكان البت حساوى  
فى العافيه إيديها تطول  
ودى واحده من الملايين  
ورجال وشباب مهطول  
وكفايه عاج لى القصه  
والشعر وراه مفتول  
مش عارف يحلم مره  
ولا قلبه لوطنه يميل  
وكان مالوش فى الحنكه  
ولا جرب أكلة فول  
أنا برضه وراه للآخر  
ولا بد يصول ويجول  
وتبان علامات النخوه ... ويدمر وكر الغول

## الصدّاقة مش لست

قال مصاحب كام صديقه  
ربى ماييليك بضيقه  
هى دى سنة حبيبك  
فى حياة الصالحين  
قول لى مين فى الضلّمة عاش  
طول حياته مااشتكا  
والأ غرر بالعذارى  
وانجبر دنيا ودين

إزرع الإخلاص فى قلبك  
واستحى من ظلم نفسك  
ابدر الإحسان لإبنك  
تفضل الخيرات سنين  
مبدأ الإخلال فى كلمة  
والحياه راح تبقى ضلمه  
والحرام تلقاه فى غنوه  
يشتهيهها الظالمين



يا سلام ع الفجر لما  
شيخنا صلى بجزء عمّ  
والقلوب تسمع وتخشع  
والثواب للمتقين

ربى أخفى خلق حوا  
وارتضى آدم لحوا  
بعد دفع المهر سوى  
فى القلوب نبع الحنين  
أترك الأوهام وقرر  
واحفظ الدين المقرر  
لو فضلت مع المغرر  
تلقى روحك يوم حزين  
والصداقة مش لست  
لو غزلت الشوك موكيت  
والغرام راح يوم يشت  
لو بقيت فى المذنبين

## أنا والعروسة

أنا والعروسة بنتحنى  
ليلة الزفاف .. يوم الحنه  
والفرحه فوقنا بتتمنى  
تخطف قلوبنا لبستاننا  
والريح تهفهف فستانها  
وقلوبنا بتطير قدامنا  
وتغنى عصافير الجنه  
نفرح سوا طول الحياه  
أنا والعروسة

\*\*\*

أشكى لربى عن حالى  
يصلح لى بالى وأحوالى  
يارب تبعد عزالى  
عن فرحه سكنت فى قلوبنا  
والدنيا تحلى وتصفى لى  
ما يجيلنا عقبات فى طريقنا  
وتغنى عصافير الجنه  
نفرح سوا طول الحياه  
أنا والعروسة

\*\*\*

إسبقتني يا فرح إسبقتني  
وديني على عش حبيبتي  
يتهنى بالحب شبابنا  
ولا أقول عذاب يوم غلبي  
وهوانا يمشى ويدلع  
يسعد قلوبنا ومايسيني  
وتغنى عصافير الجنه  
نفرح سوا طول الحياه  
أنا والعروسه

## حكاية فبرابر

الحكاية دى من معلم  
والزمان ع الخد علم  
والجميع مش راح يسلم  
إنه يرضى الإنهزام

\*\*\*

صحيحه طلعت فى البدايه  
كان فى يوم خط النهايه  
كلمة إرحل ماتساویش  
إنى أعيش من غير سلام

\*\*\*

ليه تكون فى إيدى لقمه  
أو معايا حتى لعبه  
جه سرقها أو حرقها  
أى عاطل فى الزحام

\*\*\*

دار بفكرى دى مؤامره  
أو فيه ناس لعبت مقامره  
لجل شعب يعيش مغامره  
ونلاقية ف عمر الفطام

\*\*\*

والحكاية اللى ف يناير  
مهما يجرى من الضراير  
أو حوادث فى فبراير  
ماتقولوش تكسير عظام

\*\*\*

ياسلام لو رحنا غيطنا  
واجتمعنا ف لم قوتنا  
والحياه غمرت بيوتنا  
مانلاقيش كلمة خصام

\*\*\*

دى الحضاره ماتنتهيش  
مهما ضل صاحب قريش  
بالسلام لازم نعيش  
حتى لو آخر كلام

\*\*\*

ياما شفنا فى ماضينا  
فى الكوارث بتلاقينا  
أو حروب مرت علينا  
طبعنا أهل السلام

## ز غلول والتكالوبيا

الواد ز غلول والتكالوبيا  
أخو نجرو الكابتن جننى  
وأنا ظنى محسوب على سنى  
مش عارف أكون أصغر منى  
لو رحت أقول رأى ف مره  
تطلع لى الزعابيب وتلومنى  
وكأنى فى عيونهم جنى  
وده كل الأمر اللى شاغلنى  
وحاولت أقسم واتبسم  
على وجه الخير اللى ف ظنى

قابلتنى الدنيا المغروره  
بالضحكه وتهريج يؤلمنى  
ده انا عقلى ميزان القبانى  
على شعره .. وربك بيعينى  
ز غلول ده صحيح برضه ( مسقف )  
وعرف كتابين فى التكالوبيا  
وعشان معلومه بيتفلسف

والناس قدامه بقت سوبيا  
لا صغير وكبير راح يتفاهم  
والكل أهو عايش فى الفوبيا  
لا تقول زغلول ولا تكالوبيا  
ولا نجرو الكابتن ولا كوبيا

الواجب نتقابل عندى  
أنا أحسن شاعر تراجيديا  
بالخبره وبالرأى أشارك  
ومافيش حرافيش تفهم عنى  
والدنيا فى حياتنا مسالك  
وانا قلبى وربى مطمئنى



## محسوب عليك

محسوب عليك حتى النفس  
بين الضلوع نابض بايه  
نابض بكلمه مخلصه  
أو حتى نظره كويسه  
نابض بحبك للوطن  
أمك .. أبوك .. هما الموطن  
دول أصل ثابت فى الجذور  
سر انتمائك للوطن بؤرة شعور  
حرفك رزين .. هاتروح لفين  
النفس عارفه إنك أمين  
تشبه لمين طول م انت زين  
محسوب عليك

\*\*\*

لكن خساره اما الهوى يفتح عينيك  
وتلاقى روحك فى الهوى بتلوم عليك  
تسقط يا صاحبي فى لامتحان  
ترجع تدور فى الورق



تبكى الدموع من قلب قلبك

لو صدق

يا خساره كانت من يومين

واقفه هنا ماسكه إيديك

راجع تدور ع اللى كان

عدى يا صاحبي لامتحان

أصل الزمن محسوب عليك

\*\*\*

حرفك صحيح طار فى الهوى

فعلك يا صاحبي إزاي هوى

وطلعت مش نفس الدوا

ولا راح تحرك فى القلوب

نبض الهوى

بحر الحنان ليه تعكره

وبإيدك انت تصبره

بتقول ده عنه ما ارتوى

إزاي يا صاحبي تخسره

طول م الزمان بتكرره

ومحسوب عليك

\*\*\*

وحياة عيونك ل الزمن يكوى إيديك  
وساعتها برضه هاتشتكى  
وتقول يا صاحبي للزمن مين يشتريك  
حاول تعيش جوه الوطن  
جوه القلوب ساعة المحن  
وعشان تكون جوه القلوب  
لازم يعيش فيك الوطن  
لازم تشوف انت بعينيك  
ولا يبقى يوم محسوب عليك

## أيسوله وسيلا

أيسوله وسيلا العسوله  
أجدادهم فى العرب أصيله  
والأب ده شاب ومتهندس  
والأم بأفكارها جميله  
محتاله الأطفال وتملى  
أحلامهم عش العصفوره  
ألاعبهم فى زياره كأنى  
محتاج إلى فرصه صغيره  
أحفادى من بنتى حبيبتى  
وجمالهم ينطق فى الصوره  
أيسوله وسيلا العسوله

## حفار الشر

حفار الشر ده إبليس  
والدنيا بتغرى الخلاييص  
ولا مره هاتغرى المتربى  
ولا ترحم ذل المتاعيس  
وان كان الشر بيتلاعب  
هايجيله فى يوم يبقى فطيس  
راح تكسر كل التراييس

\*\*\*

القلب الطيب معذور  
إزاي راح يرضى الغندور  
لو حتى الدنيا بقت جنه  
مش ممكن تهدى الزرزور  
وف ليل ونهار راح بيفكر  
وف أمله يعلى الطرطور  
حفار الشر ده بيعافر  
على غلظه ولو من دكتور

\*\*\*

ياولاد حنتنا استنونا  
راح تيجى خالتكو الميمونه  
أنا نفسى أجيب اتنين كيلو  
من قفص القوطه المجنونه  
وان كان ع البر كلام تانى  
محتاج له قفه ليمون  
راح نعصر ع الشر لمونه  
ونظهر شارع المانون

\*\*\*

إحسان وشاكيرا بيتخانقوا  
والشر الكاين مش طبعى  
والناس بتعك ف بعضيها  
وانا مش هاربطهم على صابعى  
يا خواتى الدنيا دى قلابه  
وبلدنا الحلوه دى حيص بيص  
حفار الشر صحيح شاطر  
ولا يوم هايفك المحابيس

\*\*\*

حفار الشر ده إبليس  
من باب الجنه بعيد خالص  
لو جات له الدنيا بمفاتيحها  
راح يفضل خارج الكواليس  
أبواب السما مش راح تفتح  
لقلوب مقفوله بطوالييس  
ملعونه النفس الأماره  
لو سمعت وساوييس إبليس

## أمراء الشعر

أمراء الشعر بأفكارهم  
مدرسة الواقع تغمرهم  
والكره مايوصلش مكانهم  
والدنيا تشوف نبض كلامهم  
والحكمة بتسعد أيامهم  
وحروفهم فى الحب عباده

\*\*\*


الشعر العربى ده له مجده  
والشعر العامى يدوم وجده  
والرب الملهم إلى عبده  
همسات الحب يدوم وده  
والفكر يعانى آلام صده  
بلغات الشعر الولاده

\*\*\*

يابحور الشعر قولى ومدى  
من بدء العلم أنا وجدى  
باحلم بكتابى ومن مدى  
وحروفه تنور على خدى  
إن جات لى وقلمى كده ف يدى  
تلاقينى أنا وقلبنى وساده

\*\*\*

أمرء الشعر فى دولتنا  
راح تبنى بأفكارها لغاتنا  
وهاكبر أحلامنا فى بيتنا  
وتفرح أطفال حنتنا  
ومدارس بتحى رايتنا  
والعلم ينور وزياه





## طيارة شادی

طيارة شادی الورقية  
وقعت على بيتنا الضهرية  
فى التو أوام دق الباب  
أطفال بشقاوة وهمجيه  
الواد بيهلل وينادى  
وطلعت ف شرى لقيته شادى  
أعمل لك إيه وانت البادى  
ومحدث هنا من أولادى

قال احنا هانطلع ونجييها  
ومحدث تانى راح يطلبها  
آه يامجرم ده انت مغلبنى  
هاكسر ها ولا تخطى اعتابى  
ولا لحظه أشوفك على بابى  
مش كنت وعدتنى بالتوبه  
أهى نزلت منك دى النوبه  
ووقعت يا شادى وده بختك

والطوبه اهى جت فى المعطوبه  
وقطعت الطياره لشادى  
ولمحت ف عينه دموع تجرى  
والدمعه دى قاسيه على صدرى  
وياريتنى ما طاوحت عنادى

وتركت الطياره لشادى  
إزاي راح أصلحك يا مزبلك  
ولا عارف إمتى راح أقابلك  
أحكى لك عن حزنى فى بعدك  
من ساعة مامنعتك حلمك  
أتمنى تسامحنى يا شادى  
راح أجيب لك طياره جميله  
بتتنور وتقول يا حليله  
والواد الربع مع اصحابه  
راح يفرح وبلعبه شادى

## انجازات مصرية

يا مصر إنت المنى  
ونال حبك العاشقين  
والإنجازات فى القرى  
هتفت لها البساتين

\*\*\*

والترع دى متبطنه  
ضحكت على الشطين  
والميه من سحرها  
لانت لها الشرايين

\*\*\*

خلق العباد ربنا  
وسجدنا له ع الطين  
اكرمنا لجل النبى  
يارب دنيا ودين

\*\*\*

أمل الشعوب فى قرار  
بيصنعه الأحرار  
والميه زى الماس  
ترقص مع الأنوار

ربك وهبنا الدار  
ليه تردموا الأنهار  
وان كان ملانا العيب  
تسلم لنا الأنظار

\*\*\*

يا مصر إبنك بطل  
خلى الطريق طرقات  
رن المقام ع الوتر  
واتقسمت نغمات  
يا أحلى صورهِ وطن  
تخضر فيه زراعات  
الوعى نور للبصر  
وبصيره فى الأزمان  
والإنجازات فى الحياه  
مدعومه بالخطوات  
وبلدنا أصل النعم  
نزلت بها الآيات  
الله عليك ياوطن  
رفع العلم صلوات

## محتوى الكتاب

2.....	بطاقة الكتاب
3.....	الإهداء
4.....	رؤى جديدة لقصيدة المشهد اليومي عند الشاعر فتحي فرج
6.....	عشرين عشرين
8.....	أخت القمر
10.....	شخايبط لغراب
11.....	حلم حياتنا
13.....	أحلى يمامة
15.....	سحابة شتا
17.....	دنيا الحب
19.....	بحر الهوى
20.....	العرق يمد
23.....	حبيتك
25.....	واد يالبن الإيه
27.....	الهوى غلاب
28.....	زعلوكه
30.....	درب الوشا
33.....	مبروك سمسومه
35.....	سلطانة

37.....	لوها اتجراً
40.....	أرض المومياءات
42.....	سيناء الحبيبة
44.....	شكة غرام
46.....	وكر الغول
48.....	الصدقة مش لست
50.....	أنا والعروسة
52.....	حكاية فبراير
54.....	زغلول والتكالوبيا
56.....	محسوب عليك
59.....	أيسوله وسيلا
60.....	حفار الشر
63.....	أمراء الشعر
65.....	طيارة شادى
67.....	انجازات مصرية
69.....	محتوى الكتاب